



Broj: 14-11-1211/21
Vogošća, 20.08.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 20.08.2021. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU I ISPORUKU SITNOG ALATA
I INVENTARA, ZA POTREBE OPĆINE VOGOŠĆA**

Član 1.

Ponuda ponuđača "Penny Plus" d.o.o. Sarajevo, ulica Igmanska bb Vogošća, odabrana je za nabavku i isporuku sitnog alata i inventara, za potrebe Općine Vogošća, kao jedina formalno-pravno ispravna ponuda, sa ponuđenom ukupnom cijenom nabavke u iznosu od 24.127,09 KM bez uračunatog PDV-a, odnosno 28.228,70 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 22.07.2021. godine donio Odluku o pokretanju Otvorenog postupka nabavke i isporuke sitnog alata i inventara, za potrebe Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 23.07.2021. godine pod brojem: 1353-1-1-142-3-103/21.

Sažetak Obavještenja o nabavci objavljen je u "Službenom glasniku BiH" broj: 47/21 od 30.07.2021. godine.

Tendersku dokumentaciju sa Portala javnih nabavki BiH je preuzelo 18 (osamnaest) ponuđača. Krajnji rok za dostavu ponuda bio je 10.08.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 10.08.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-1211/21 iz jula 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Penny Plus" d.o.o. Sarajevo	24.027,09	/	/	28.111,69
2	"Senigor" d.o.o. Sarajevo	24.855,04	/	/	29.080,40

Dana 10.08.2021. godine u 12 sati i 30 minuta od strane uposlenika protokola Općine Vogošća je zaprimljena ponuda ponuđača "Cospex" d.o.o. Zenica kao pošiljka X Expres brze pošte, oznake X004088106 od 09.08.2021. godine, u otvorenom postupku nabavke i isporuke sitnog alata i inventara, za potrebe Općine Vogošća, zavedena kroz internu knjigu protokola broj 346/21.

Obzirom da je ponuda ponuđača "Cospex" d.o.o. Zenica zaprimljena kao neblagovremena kod ugovornog organa, a u skladu sa odredbama člana 63. stav 1. Zakona o javnim nabavkama BiH ("Službeni glasnik BiH", broj 39/14) i odredbama člana 15. stav 6. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15), ista je dana 17.08.2021. godine vraćena ponuđaču neotvorena.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Senigor" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 8.2.1.TD-Napomenom III je propisano da su ponuđači dužni u ponudi dostaviti original ili ovjerenu kopiju ovlaštenja za potpisivanje, ukoliko ovlaštene osobe za zastupanje ponuđača nisu navedene u Aktuelnom izvodu iz sudskog registra kao lica ovlaštena za zastupanje subjekta upisa.

Ponuđač "Senigor" d.o.o. Sarajevo je propustio da dostavi ovlaštenja za potpisivanje, te je na taj način postupio suprotno jasno postavljenom zahtjevu ugovornog organa iz TD, a također i suprotno odredbi člana 58. stav 1. pod g) Zakona o javnim nabavkama BiH.

Kao ovlaštena osoba za zastupanje subjekta upisa u dostavljenom Aktuelnom izvodu iz sudskog registra od 26.07.2021. godine u ponudi ponuđača "Senigor" d.o.o. Sarajevo naveden je Senad Islam-direktor bez ograničenja.

Osoba koja je u Ponudi označena kao ovlašteno lice ponuđača-punomoćnik je Nevzet Osmanović.

Međutim, ponuđač je propustio da dostavi zahtjevanu punomoć za Nevzeta Osmanovića, koji je potpisnik svih dokumenata dostavljenih u Ponudi broj: 69-08/21 od 10.08.2021. godine ponuđača "Senigor" d.o.o. Sarajevo.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Penny Plus" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponude ponuđača koji ispunjava formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računsa provjera dostavljene ponude, nakon čega je utvrđeno da postoji računsa grešaka u Ponudi ponuđača "Penny Plus" d.o.o. Sarajevo. Komisija za javne nabavke postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) je izvršila ispravku računsa greške, te je aktom broj: 14-11-1211/21 od 17.08.2021. godine dostavila na davanje saglasnosti ponuđaču "Penny Plus" d.o.o. Sarajevo.

Ponuđač "Penny Plus" d.o.o. Sarajevo je svojim aktom broj: 08/17-1/21 od 17.08.2021. godine dao saglasnost na ispravku računsa greške, tako da umjesto ukupne ponuđene cijene u iznosu od 24.027,09 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 24.127,09 KM bez uračunatog PDV-a.

Obzirom da je Ponuda ponuđača "Penny Plus" d.o.o. Sarajevo sa ukupnom ponuđenom cijenom u iznosu od 24.127,09 KM bez uračunatog PDV-a, prelazila procijenjenu vrijednost nabavke koja iznosi 20.000,00 KM bez uračunatog PDV-a, Komisija za javne nabavke je dana 18.08.2021. godine zatražila izjašnjenje od nadležne Službe da li može obezbijediti razliku sredstava u iznosu od 4.127,09 KM bez uračunatog PDV-a za realizaciju predmetne nabavke.

Stručna služba za poslove mjesnih zajednica i zajedničke poslove se aktom broj: 14-11-1211/21 od 18.08.2021. godine očitovala da će moći obezbijediti razliku nedostajućih sredstava za realizaciju predmetne nabavke

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Penny Plus" d.o.o. Sarajevo, za nabavku i isporuku sitnog alata i inventara, za potrebe Općine Vogošća, kao jedine formalno-pravno ispravne ponude, sa ponuđenom ukupnom cijenom nabavke u iznosu od 24.127,09 KM bez uračunatog PDV-a, odnosno 28.228,70 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Penny Plus" d.o.o. Sarajevo
2. "Senigor" d.o.o. Sarajevo
3. Nadležnoj Službi
4. U dosije
5. a/a

033/467-820

033/765-591



OPĆINSKI NAČELNIK

Edin Smajić